

Ambasador Velike Britanije u Bosni i Hercegovini Nj.E. Gdin Edward Ferguson je prilikom obeležavanja jubileja 10 godina rada TE i Rudnika Stanari naglasio značaj ove investicije kako za Republiku Srpsku/BiH već i za Ujedinjeno Kraljevstvo. Kompanija EFT iz Ujedinjenog Kraljevstva je ovim značajnim investicionim energetske projektom direktno pomogla razvoj lokalne zajednice, regiona i cele Republike Srpske. Kao primer dobre prakse ovaj energetski projekat može poslužiti kao najbolji argument za privlačenje novih investitora u BiH. Ambasador Ferguson je naglasio da odaje priznanje reformskim procesima Vlade Republike Srpske kao i dobrom primeru aktivne podrške razvoju projekta TE Stanari.

Od svog dolaska Ambasador Ferguson je najviše bio usmjeren na stvaranje a zatim i implementaciju nove strategije Evropske unije za Bosnu i Hercegovinu. Kako je objasnio, zbog toga je veći dio vremena proveo govoreći o potrebi za ekonomskim reformama, kao i reformama koje olakšavaju poslovanje kako bi se Bosna i Hercegovina otvorila za više domaćih i stranih ulaganja u privatni sektor. Ambasador Ferguson je izrazio zadovoljstvo vidjeti na stvarnom primjer kako britanski investitor sa odličnim menadžmentom, poput Mineca, ostvaruje uspjeh na terenu.

Govoreći na ceremoniji Ambasador Ferguson je izrazio važnost strateških projekata ulaganja u vjerovatno najvažnijem sektoru u cijeloj Bosni i Hercegovini: modernizacije rudnika lignita i izgradnje ove veličanstvene termo-elektrane koja će nakon izgradnje proizvoditi tri stotine mega vata struje i otvoriti više od devet stotina radnih mjesta.

Ova investicija je izuzetno važna za novu opštinu Stanari, za Republiku Srpsku i za cijelu Bosnu i Hercegovinu. A, moram reći, vrlo je važna i za Ujedinjeno Kraljevstvo rekao je Ambasador Ferguson.

“Priznajem da sam prije nekoliko sedmica, dok sam, uz doručak, čitao najnovije brojke iz oblasti investicija i otkrio da je dvije hiljade četrnaeste godine Ujedinjeno Kraljevstvo bilo najveći investitor u Bosni i Hercegovini nakon Rusije, ostao malo iznenađen! Ali, naravno, značajan dio te ukupne investicije je upravo ovdje pred nama danas.”

EFT sa sobom donosi i svoju stručnost u najboljoj metodi upravljanja i novih tehnologija. Drago mi je što je prošlog decembra Agencija za unapređenje stranih investicija u BiH EFT-u dodijelila nagradu za najbolju Greenfield investiciju rekao je Ambasador Ferguson.

“Moram dodati da mi je veliko zadovoljstvo što je predsjednik Dodik danas ovdje. Aktivna podrška Vlade RS je bila jako važna za dosadašnji uspjeh EFTa i bide važna i ubuduće. Kao investicija koja se u potpunosti finansira iz privatnih sredstava, ova elektrana može biti važan simbol da su Republika Srpska, i cijela Bosna i Hercegovina, otvorene za biznis.”
Ambasador Ferguson je naglasio da mu je drag da plan reformi dobija oblik pod vođstvom

BiH/Republika Srpska: EFT Elektrana TE Stanari argument za privlačenje investitora, važan projekat za trgovinske odnose BiH-UK

nove državne i entitetskih vlada, uz podršku Evropske unije i Međunarodnih finansijskih institucija. Izrazio je nadu da će provođenje planiranih reformi u budućnosti značiti veći broj britanskih kompanija koje investiraju u Republiku Srpsku, te značajan porast u trgovini između Ujedinjenog Kraljevstva i cijele Bosne i Hercegovine.

Ambasador Ferguson je zaključio da je Bosna i Hercegovina, uz Rumuniju i Bugarsku, jedna od samo tri zemlje u regiji jugo-istočne Evrope, koja je neto izvoznik energije, i da je zadovoljan što može svjedočiti ekonomskom potencijalu ove i drugih budućih lokacija, uključujući i one u sektoru obnovljivog izvora.

Izvor; Serbia Energy